

Bosna i Hercegovina  
Federacija Bosne i Hercegovine  
KANTON SARAJEVO  
Srednja škola za okoliš i drveni dizajn



Bosnia and Herzegovina  
Federation of Bosnia and Herzegovina  
CANTON SARAJEVO  
Secondary school of environment and wood  
design

# **ETIČKI KODEKS O ORGANIZACIJI I REALIZACIJI IZLETA**

Sarajevo, maj 2022. godine

Na osnovu člana 61. Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno-obrazovnog rada u osnovnoj i srednjoj školi ("Sl. novine Kantona Sarajevo", br. 15/22), Školski odbor JU Srednja škola za okoliš i drveni dizajn Sarajevo na IV sjednici održanoj dana 24.05.2022. godine donosi:

## **ETIČKI KODEKS**

### **I UVOD**

#### **Član 1**

1. Etički kodeks predstavlja skup načela, prava i obaveza kojima se određuju međuljudski odnosi svih učesnika ekskurzije. Etički kodeks predstavlja skup zajedničkih vrijednosti društveno prihvatljivih oblika ponašanja koje neposredni faktori odgojno-obrazovnog rada uvažavaju u svom djelovanju.

2. Cilj etičkog kodeksa je poticanje razumijevanja i prihvaćanje temeljnih načela moralno opravdanog ponašanja i njihovu primjenu.

#### **Član 2**

Izlet je poludnevni ili cjelodnevni zajednički odlazak učenika, u pratnji zaposlenika škole, na određenu turističku lokaciju ili mjesto.

Izlet kao oblik odgojno-obrazovnog rada organizuje škola, samostalno ili u saradnji sa turističkom ili putničkom agencijom, radi realizacije sadržaja izleta u funkciji ostvarivanja određenih odgojno-obrazovnih ciljeva i zadataka.

### **II PRAVILA I OBAVEZE PONAŠANJA UČESNIKA IZLETA**

#### **Član 3**

##### **1. Učenici**

- a) Učešće učenika na izletu se zasniva na principu dobrovoljnosti, a finansira se sredstvima roditelja ili iz doniranih sredstava.
- b) Za učešće učenika na izletu roditelji učenika moraju dati saglasnost, u suprotnom učenik ne može učestvovati izvođenju izleta.
- c) Učenici su dužni da se ponašaju odgovorno, da budu tačni i ispunjavaju sve zadate obaveze.
- d) Učenici su dužni i obavezni da prate i učestvuju u svim aktivnostima tokom realizacije izleta, a koje su planirane ponudom turističke agencije ili isplanirane Izvedbenim planom i programom.
- e) Tokom realizacije izleta učenici su dužni i obavezni da se ponašaju pristojno i na društveno prihvatljivi način ( i za vrijeme putovanja i tokom realizacije aktivnosti izleta). Zabranjen je bilo koji oblik neprihvatljivog ponašanja (guranje, štipanje, udaranje, verbalno vrijeđanje, fizičko nasilje, psovanje, seksualno uznemiravanje i dr.)
- f) Učenici su obavezni da poštuju druge učenike, profesore, vođu puta, vozača, zaposlenike Turističke agencije, ugostiteljsko osoblje i druga lica sa kojim stupaju u komunikaciju.
- g) Učenici treba da pažljivo postupaju i da paze da ne oštete ličnu i imovinu drugih učesnika ili inventar i imovinu ugostiteljskih objekata, autobusa i slično.
- h) Učenici su dužni i obavezni da vode računa o ličnim stvarima (prtljag, novac, mobitel, fotoaparati, nakit i druge vrijedne stvari).
- i) Učenici treba da se pristojno oblače, te da vode računa o urednosti i ličnoj higijeni.
- j) Zabranjeno je konzumiranje alkohola i opojnih sredstava.
- k) Zabranjena je zloupotreba korištenja mobilnih aparata i drugih sredstava komunikacije kojima bi se uznemiravali drugi učesnici izleta.
- l) Zabranjeno je udaljavanje i osamostaljivanje učenika bez odobrenja profesora ili vođe puta.
- lj) Zabranjeni su odlasci na neprikladna i osamljena mjesta.



- m) Zabranjena je komunikacija sa nepoznatim osobama, uzimanje bilo kakvih sredstava ili predmeta od istih ili ulazak u njihov lični automobil.
- n) Nije dozvoljen bilo koji vid uznemiravanja ostalih učesnika, a koji pridonosi stvaranju neugodnih i neprijateljskih odnosa, zastrašivanja, vrijeđanja i ponižavanja.
- nj) Kod aktivnosti koje se realizuju u prirodi učenici su dužni da se odgovorno odnose prema prirodnim ljepotama zemlje, da ne uništavaju biljke ili ugrožavaju život životinja, ne pale vatru, ne bacaju smeće, ne uništavaju klupe i mjesta za odmor, ne konzumiraju nepoznate biljke, plodove i gljive.
- o) Po povratku sa izleta učenici su obavezni da ponesu sve svoje lične stvari, da ne ostavljaju nered i smeće.
- p) Učenici imaju pravo i obavezu da učestvuju u evaluaciji rada zaposlenika i evaluaciji uspješnosti izleta.
- r) Učenici imaju pravo da budu upoznati sa Etičkim kodeksom na časovima odjeljske zajednice i obavezu ponašanja učenika u skladu sa istim.

## 2. Profesori, vođa puta i ostali zaposlenici škole

- a) Profesori ili osobe koje su po ovlaštenju direktora zadužene za određenu grupu učenika dužni su imati podatke o svakom učeniku zadužene grupe. Podaci o učeniku se evidentiraju na propisanom obrascu (*prilog 1*).
- b) Profesori, vođa puta i ostali zaposlenici škole su dužni da vode brigu o učenicima, njihovoj bezbjednosti i zdravstvenom stanju.
- c) Profesori, vođa puta i ostali zaposlenici škole su dužni da zaštite učenike i ne dozvole nepoželjni uticaj drugih osoba (navođenje na konzumiranje energetskih pića, duhana, alkohola, opojnih sredstava ili drugi oblik neprihvatljivog ponašanja).
- d) Profesori, vođa puta i ostali zaposlenici škole su dužni da spriječe bilo koji oblik neprihvatljivog ponašanja učenika.
- e) Odnos profesori, vođe puta i ostalih zaposlenika škole prema učenicima i drugim učesnicima mora biti profesionalan, nepristrasan i pristojan.
- f) Profesori, vođa puta i ostali zaposlenici škole se trebaju ponašati u skladu sa načelom jednakosti i pravednosti prema svim učenicima.
- g) Od profesora, vođe puta i ostalih zaposlenika škole, realizatora Izvedbenog plana i programa (*prilog 2*), se očekuje odgovorno, savjesno i etički besprijekorno ispunjavanje svih obaveza prema učenicima i ostalim učesnicima izleta.
- h) Profesori, vođe puta i ostali zaposlenici škole su dužni i obavezni da osiguraju tajnost podataka o zdravstvenom stanju i drugim specijalnim potrebama učenika, a poštujući privatnost učenika.
- i) Profesori, vođa puta i ostali zaposlenici su dužni da se ponašaju odgovorno i da komuniciraju na očekivan način.
- j) Zabranjeno je konzumiranje alkohola i opojnih sredstava profesorima, vođi puta i drugim zaposlenicima škole.

## 3. Roditelji/staratelji učenika

- a) Roditelj /staratelj ima pravo da bez bilo kakve prisile odluči o učešću njegovog djeteta u realizaciji izleta.
- b) Roditelj /staratelj ima pravo da na roditeljskom sastanku bude obaviješten o izboru najpovoljnije ponude, sadržaju aktivnosti, mjestu realizacije, kompletnom aranžmanu,
- c) Roditelj /staratelj je obavezan da da pismenu saglasnost kojom prihvata uslove putovanja, program putovanja i daje saglasnost za učešće njegovog djeteta na izletu.
- d) Izlete i druge neobavezne oblike odgojno-obrazovnog rada finansiraju roditelji.

- e) Roditelji/staratelji su dužni da blagovremeno upoznaju razrednika ili druge nosioce organizacije izleta o zdravstvenom stanju, sklonostima učenika ili nekoj drugoj specijalnoj potrebi učenika, te eventualno o terapiji koju učenik koristi.
- f) Odnos roditelja/staratelja prema profesorima, vođi puta i ostalim zaposlenicima škole treba da bude tolerantan, pristojan i uvažavajući, a s ciljem ostvarivanja dobrobiti za dijete.
- g) Roditelji/staratelji su dužni da poštuju ličnost učenika, profesora, vođe puta i drugih zaposlenika škole, da ih ne vrijeđaju, uznemiravaju ili diskriminišu po bilo kojem osnovu.
- h) Roditelji su obavezni da nadoknade troškove, ukoliko učenik prouzrokuje štetu tokom realizacije izleta.
- i) Roditelji/staratelji imaju pravo učešća u predlaganju sadržaja Izvedbenih planova i programa, a preko Vijeća roditelja.
- j) Roditelji/staratelji imaju pravo da budu upoznati sa Etičkim kodeksom o ponašanju učesnika izleta na roditeljskim sastancima.

#### 4. Zaposlenici Turističke agencije

- a) Zaposlenici Turističke agencije su dužni da poštuju ličnost učenika, profesora, vođe puta i drugih zaposlenika škole, da ih ne vrijeđaju, uznemiravaju ili diskriminišu po bilo kojem osnovu.
- b) Zaposlenici Turističke agencije, animatori, vodiči, kustosi i dr. su obavezni da sve aktivnosti planirane ponudom i turističkim aranžmanom budu prilagođene psihofizičkim sposobnostima učenika i ciljevima odgojno-obrazovnog rada.
- c) Odnos zaposlenika Agencije prema učenicima, profesorima, vođi puta i drugim zaposlenicima škole mora biti profesionalan, pristojan, uvažavajući.
- d) Agencija je obavezna da preduzme sve aktivnosti u cilju ostvarivanja zdravstvene i druge zaštite učenika, te obezbijedi sigurno realizovanje svih aktivnosti izleta.
- e) Agencija je obavezna da osigura tajnost podataka o zdravstvenim i drugim specifičnim potrebama učenika.

### III PRAVILA MEĐUSOBNE KOMUNIKACIJE

#### Član 4

1. Svi učesnici izleta su dužni i obavezni da se ophode uljudno i da poštuju jedni druge.
2. Zabranjena je svaka vrsta uvreda, psovki, omalovažavanja, vrijeđanja među učesnicima izleta ili upotreba fizičkog nasilja.
3. Zabranjena je bilo koja vrsta diskriminacije i neprijateljstava među učesnicima izleta.

### IV VRIJEME I MJESTO REALIZACIJE AKTIVNOSTI

#### Član 5

1. Izleti se organizuju u trajanju od jednog dana.
2. Izleti učenika srednjih škola organizuju se i realiziraju, u skladu sa Izvedbenim planom i programom, u Bosni i Hercegovini.

### V TAJNOST PODATAKA

#### Član 6

Obaveza škole i Agencije je da osiguraju tajnost podataka o zdravstvenom stanju i drugim specifičnim potrebama učenika.

### VI ZABRANA OSAMOSTALJIVANJA

#### Član 7

1. Zabranjuje se osamostaljivanje učenika od grupe učenika i profesora, a bez dozvole i odobrenja profesora vođe puta i drugih zaposlenika škole.
2. Zabranjuje se osamostaljivanje vozača, vodiča, profesora, vođe puta, drugih zaposlenika škole, kustosa, vodiča, animatora i sl. sa manje od tri učenika.



3. Zabranjeno je učenicima da posjećuju neprikladna i osamljena mjesta.

## VII ZABRANA DISKRIMINACIJE I UZNEMIRAVANJA

### Član 8

1. Zabranjen je bilo koji oblik diskriminacije učenika i drugih učesnika izleta, a prema vjerskoj, nacionalnoj, spolnoj, rasnoj osnovi, tjelesnom izgledu, zdravstvenom stanju ili bilo kojoj drugoj osnovi.

2. Učesnici izleta ne smiju biti podložni predrasudama koje mogu dovesti do neobjektivnosti i diskriminacije.

3. Zabranjen je svaki oblik uznemiravanja drugih učesnika. Pod uznemiravanjem se podrazumijeva svaki verbalni, neverbalni ili fizički čin koji drugu osobu zastrašuje, vrijeđa, ponižava.

4. Zabranjen je bilo koji oblik seksualnog uznemiravanja, koje podrazumijeva upućivanje verbalnih ili fizičkih prijedloga seksualne prirode drugoj osobi, iznošenje seksualno obojenih šala i opaski ili bilo koji drugi oblik ponašanja koji je seksualno obojen.

## VIII ZAVRŠNE ODREDBE

### Član 9

1. Škola ima obavezu upoznati sve faktore/učesnike izleta s Etičkim kodeksom.

2. Kršenje odredbi Etičkog kodeksa bilo kojeg oblika odgojno-obrazovnog rada iz Pravilnika predstavlja osnov za pokretanje disciplinskog postupka za prekršioce (učenike i profesore), odnosno jedan je od razloga za neispunjavanje minimalnih kvalifikacijskih zahtjeva za Agencije – ponuđače.

### Član 10

Etički kodeks stupa na snagu 8 dana od dana objavljivanja na oglasnoj ploči škole, nakon donošenja odluke Školskog odbora JU Srednja škola za okoliš i drveni dizajn Sarajevo.



PREDŠJEDNIK ŠKOLSKOG ODBORA

Eniz Tahmaz, dipl.ing.šumarstva

Broj: 04/01-1-1232-5/2022

Sarajevo, 24.05.2022. godine

Bosna i Hercegovina  
Federacija Bosne i Hercegovine  
KANTON SARAJEVO  
Srednja škola za okoliš i drveni dizajn



Bosnia and Herzegovina  
Federation of Bosnia and Herzegovina  
CANTON SARAJEVO  
Secondary school of environment and wood  
desig

**Prilog 1**

**OSNOVNI PODACI O UČENIKU/UČENICI, UČESNIKU IZLETA**

Redni broj	Ime i prezime učenika	Br. tel. učenika i roditelja	Podaci o učenike vezani za eventualne bolesti, specifičnosti
1.			
2.			
3.			
4.			
5.			
6.			
7.			
8.			
9.			
10.			
11.			
12.			
13.			
14.			
15.			

Napomena:

Svi podaci upisani u ovaj obrazac su povjerljivi i za njih je odgovorna zadužena osoba!

Odgovorno lice za realizaciju izleta \_\_\_\_\_

(Kopiju Priloga 1 dostaviti direktoru prije realizacije posjete.)

Bosna i Hercegovina  
Federacija Bosne i Hercegovine  
KANTON SARAJEVO  
Srednja škola za okoliš i drveni dizajn



Bosnia and Herzegovina  
Federation of Bosnia and Herzegovina  
CANTON SARAJEVO  
Secondary school of environment and wood  
design

**Prilog 2**

**IZVEDBENI PLAN I PROGRAM JEDNODNEVNOG IZLETA**

CILJEVI: \_\_\_\_\_  
ZADACI: \_\_\_\_\_

SADRŽAJ I METODE REALIZACIJE ODREĐENOG ODGOJNO-OBRAZOVNOG  
OBLIKA RADA:

PLANIRANI OBUHVAT UČENIKA: \_\_\_\_\_  
VREMENSKI OKVIR: \_\_\_\_\_

NAČIN DOLASKA U POSJETU:  
\_\_\_\_\_

PUTNI PRAVAC SA KONAČNIM ODREĐIŠTEM:  
\_\_\_\_\_

DRUGI BITNI ELEMENTI ZA REALIZACIJU:  
\_\_\_\_\_  
\_\_\_\_\_

Odgovorno lice za realizaciju posjete: \_\_\_\_\_

*(Kopiju Priloga 2 dostaviti direktoru prije realizacije posjete.)*

